



NJERËZIT E TIJ
STUDIM BIBLIK



1 East Bode Road
Streamwood, IL 60107-6658 U.S.A.

awana.org
(630) 213-2000

© 2016 Awana® Clubs International

3 4 5 6 25 24 23 22

TREK 3: NJERËZIT E TIJ
HYRJA E KAPITULLIT TË PARË

PJESA IME E HISTORISË:
NGA _____

FILLIM

Fillim, emër
1. fillim, nisje, zanafillë

**GJITH
ÇKA**

(përveç Perëndisë) ka, ose ka pasur një fillim. Krijimi, qiejt, jeta, lëvizjet dhe stinët, të gjitha e kanë pasur apo e kanë një fillim. Kisha po fillonte dhe

toka nuk do të ishte më kurrë e njëjtë. Ndërsa krijimi shpresonte në ardhjen e një superheroi të vetëm për të na shpëtuar, Perëndia kishte një zgjidhje tjetër për të fituar botën e Tij me mesazhin e lajmit të mirë. Ai nuk do të përdorte vetëm një person, por skuadra të tëra njerëzish. Bashkësitë do ta fitonin botën me mesazhin e Tij. Jeta që Ai krijoi për ne do të funksiononte më së miri në bazë të projektit fillestar të Tij: *"Nuk është mirë që njeriu të jetë vetëm..."* (Zanafilla 2:18).

Shpëtimi kishte ardhur. Jezusi vdiq në kryq. Ai u ngrit nga varri. Megjithatë, më e mira nuk kishte ardhur ende. Ai nuk erdhi për të shpëtuar vetëm një grup të vogël burrash dhe grash, por Ai erdhi të shpëtojë gjithë botën. Dhe gjëja më e mirë ishte se Ai do të pranonte të gjithë ata që besonin në Të dhe do t'i bënte pjesë së skuadrës që do të përmbushte atë mision. Ky grup besimtarësh do të mësonte të jetonte në bashkësi. Ata do të nisnin themelimin e mbretërisë së Perëndisë këtu në tokë, jo duke bërë një ndërtesë fizike, por duke qenë ambasadorë dhe përfaqësues të Mbretit në botë. Praktikat e tyre do të shiheshin si

të çuditshme për botën e humbur, madje si jashtëtokësore. Mesazhi i tyre do të shpërndahej si zjarri në shkurre të thata. Do të kishte jetë të ndryshuara dhe fatkeqësisht disa të tjera do të humbnin, në mënyrë që mesazhi të përparonte.

Gjatë 32 javëve në vazhdim do të ecim përmes librit të Veprave. Është pjesa e dytë e Ungjillit të Lukës. Libri i Veprave tregon se çfarë ndodh pas ngjites së Jezusit në qiell, veçanërisht për punën dhe shërbesën e kryer nga apostujt dhe nga Kisha. Diçka e rëndësishme për t'u mbajtur mend gjatë javëve në vazhdim është se Perëndia e vendosi kishën e Tij si një vend ku shërbesa kryhet në bashkësi. Jeta duhet jetuar në bashkësi. Jeta dhe besimi yt nuk duhet të jenë një aktivitet i vetëm apo ekzistencë në izolim. Si besimtar, Perëndia të ka dhënë dhunti dhe mjete të jashtëzakonshme për të përmbushur misionin e Tij. A je gati t'i bashkohesh popullit të Perëndisë për të përmbushur misionin e Tij? Ji i hapur, në mënyrë që Fjala e Perëndisë të të sfidojë dhe të të ndryshojë, dhe pyet veten nëse misioni i jetës tënde është për Perëndinë apo për veten tënde.

PJESA 0

Ja cili është misioni yt. **Zgjidh një** nga njerëzit e mëposhtëm dhe shërbeju me diçka:

1. Dikë në shtëpi (Mund t'ia lash dhe t'ia palosësh të gjitha rrobat.)
2. Dikë në komunitet (Mund t'i japësh disa rroba ose ushqim.)
3. Dikë në botë (Mund t'i dërgosh një kuti kujdesi personal një misionari vendas përmes kishës.)



🔑 MENDIMI KYÇ:

Kur Perëndia u jep dishepujve të Tij një mision, Ai premtan se do të sigurojë të gjithë fuqinë që u duhet për ta përbushur atë mision.

🔑 FJALA KYÇ:

FUQI | Aftësia për të bërë diçka apo për të vepruar në një mënyrë të veçantë për të përbushur një qëllim specifik

Pyet drejtuesin apo prindin nëse ke nevojë për ide më specifike. Shpjego më poshtë kë ke zgjedhur, dhe jep një përmbledhje të veprimeve që ndërmore.

Misioni: _____

Aftësitë e përdorura: _____

Rezultatet e misionit: _____

Ndjekja:

Mendo se si do të përmbushej ndryshe misioni yt, nëse do të bashkoje aftësitë e tua me ato të personave të tjerë të grupit tënd.

PJESA 0

LEXO: VEPRAT 1:1-11

Historia e krishterimit do të mbetet një histori e këndshme, edhe nëse do të kishte përfunduar me marrjen e Jezusit në qiell mbi një re. Do të mbetet historia e Birit të Perëndisë që erdhi në botë për të jetuar në një trup njerëzor. Do të mbetet historia e lindjes së Tij të mrekullueshme, e shërimit të të sëmurëve, historia e vdekjes dhe e ringjalljes së Tij. Do të ishte gjithsesi një histori e mrekullueshme!

Mirëpo, nuk do të ishte historia jonë.

Nëse Jezusi thjesht do të vinte dhe do të largohej, e pastaj çdokush do të kthehej në gjërat e mëparshme, ne do ta tregonim historinë, por nuk do të na ndryshonte ne vetë. Lavdi Perëndisë që historia e Jezusit nuk përfundon me kthimin e Tij në qiell mbi një re! Ajo vazhdon deri në ditët e sotme në jetët e të gjithë atyre që besojnë tek Ai.

Luka, doktori dhe historiani, ndjekësi i Krishtit që shkroi Ungjillin sipas Lukës dhe librin e Veprave, përshkruan ngjitjen e Jezusit mbi re – por ai gjithashtu tregon atë që Jezusi u tha ndjekësve të Tij para se të largohej: Mos u largoni! Kjo histori sapo ka filluar. Prisni të shihni se çfarë ndodh më pas!

Jezusi u dha atyre një mision të veçantë: Shkoni dhe tregojani botës historinë Time.

Mirëpo, Ai u dha gjithashtu edhe diçka tjetër. Jezusi nuk i dërgoi në botë si rrëfyes të zakonshëm që duhet të bënin më të mirën e tyre për t'i bindur njerëzit të besonin në Krishtin që të shpëtoheshin. Ai nuk u dha atyre vetëm historinë e Tij.

Jezusi u premtoi se do të merrnin fuqi, një fuqi që ata do të mund ta përdornin për të treguar historinë e Tij, duke filluar që nga



fqinjët e tyre e deri te njeriu që qëndron në vendet më të largëta të tokës. Kur u largua, Jezusi tha se Fryma e Shenjtë do të vinte tek ata, dhe bota nuk do të ishte më kurrë njësoj.

Luka u bë një prej atyre rrëfyesve të fuqizuar të Ungjillit. Ai pranoi misionin që të përdorej nga Perëndia, në mënyrë që të tregonte historinë e Jezusit, dhe vazhdoi edhe pas largimit të Jezusit. Ai e nis librin e Veprave ashtu si nisi me Lukën, duke iu drejtuar një burri të quajtur Teofil, dikush që me sa dukej donte të kuptonte krishterimin dhe përse ai shpërndahej kaq shpejt në botë.

Mirëpo, për shkak se Luka ishte frymëzuar

dhe fuqizuar nga Fryma e Shenjtë, puna e tij e rrëfimit të historisë së kishës së hershme u zhvillua në diçka më shumë. Ajo u bë puna e Perëndisë për t'i treguar botës se si fuqia e Perëndisë përmes besimit në Krishtin kishte ndryshuar jetët e ndjekësve të Tij, e më pas edhe gjithë botën, përjetë.

Luka nis Veprat atje ku kishte mbaruar libri i tij i mëparshëm, me premtimin e asaj fuqie dhe me 11 djemtë që shihnin drejt qiellit duke menduar se ç'do të ndodhte më pas.

Ajo që ndodhi më pas e ndryshoi vërtet botën, përgjithmonë. Çfarë e bën akoma më të bukur është fakti se ende po ndodh sot në jetët tona.

KEY VARGU KYÇ: **VEPRAT 1:8**

“Por do të merrni fuqi kur Fryma e Shenjtë do të vijë mbi ju dhe do të më bëheni dëshmitarë në Jerusalem dhe në gjithë Judenë dhe Samarinë dhe deri në skajin e dheut.”

PËRDOR HAPËSIRËN E MËPOSHTME SI NDIHMË PËR TA KUJTUAR KËTË VARG.
MUND TË SHKRUASH, TË VIZATOSH APO TË SHËNOSH, SI TË JETË MË MIRË PËR TY.

Me shumë mundësi, dishepujt as nuk e imagjinonin

se sa i vështirë do të ishte misioni i tyre, por Perëndia nuk u kërkon kurrë ndjekësve të Tij të bëjnë për Të diçka që është shumë e vështirë. Në fakt, shpesh Ai na kërkon të bëjmë të pamundurën, pastaj na jep fuqinë për ta bërë atë. Jezusi na jep fuqinë e Tij për t'ia dalë dhe kjo fuqi vjen përmes Frymës së Shenjtë.

KËTO FAQE JANË TË TUAT. SHKRUAJ, SHËNO, VIZATO NË RRESHTA. NGJIT FOTOGRAFI, OBJEKTE ETJ., NDËRSA EKSPLORON IDENTITETIN TËND NË KRISHTIN.

PJESA 3

LEXO: VEPRAT 1:1-3

Pasi kishte shpjeguar qëllimin e Ungjillit të tij, Luka gazetari, fillon t'i lidhë këto dy histori. Në vargun 3, ai përdor një fjalë të rëndësishme: *prova*. Jezusi u dha shumë prova njerëzve që Ai ishte i gjallë sërish, në një trup fizik, duke ngrënë e duke marrë frymë. Dëshmitarët okularë e panë dhe ua treguan të tjerëve.

ZBULO:

Përse Jezusi u siguroi që njerëzit të kuptonin se Ai ishte vërtet i gjallë pas ringjalljes? Cili do të kishte qenë ndryshimi nëse Jezusi do të ishte thjesht frymë?

PJESA 4

LEXO: VEPRAT 1:4-5

Jezusi kishte një mision shumë të madh për dishepujt, por Ai nuk donte që ata të fillonin menjëherë. Ai donte që dishepujt të prisnin fuqinë e Frymës së Shenjtë.

ZBULO:

Çfarë të ka kërkuar Perëndia të bësh me fuqinë e Tij? Përse ne përpiqemi të bëjmë atë që Ai na kërkon, pa fuqinë e Tij?

PJESA 6

LEXO: VEPRAT 1:6-8

Dëshmitarët kanë një punë: të tregojnë çfarë kanë parë. Nuk është detyra e një dëshmitari të bindë dikë se historia që po tregon është e vërtetë. Dëshmitari thotë thjesht: "Kjo është përvoja ime".

ZBULO:

Si do ta përshkruaje me pak fjalë përvojën tënde me Jezusin?

PJESA 6

LEXO: VEPRAT 1:9-11

Duket si pyetje qesharake: Ku tjetër mund të shikonin dishepujt pasi Jezusi u ngrit mbi re? Por ajo që engjëjt thanë, kishte të bënte me premtimin: Ai po kthehet.

ZBULO:

Përse është i rëndësishëm për ty fakti që Jezusi do të kthehet një ditë në tokë? Si të ndihmon kjo të kesh më shumë siguri për t'u treguar njerëzve historinë tënde?

PJESA 7

Çfarë të vërtete mësove këtë javë?
Çfarë do të bësh me këtë të vërtetë?

DATA: FOLËSI:

DATA:

A KE NEVOJË PËR MË SHUMË HAPËSIRË? NGJIT KETU!


MËSIMI 1.1 | KONTROLLI I PLOTËSIMIT TË MËSIMIT

Aktiviteti hyrës Vargu përmendsh Zbulimet

Firma e drejtuesit

Data

A i ke ndjekur leximet e Biblës?
Shëno më poshtë atë që ke lexuar:



Inicialet
e drejtuesit